

七

修

類

稿

七修類稿卷之四十八

杭仁和郎瑛仁實著述

奇譚類

魂不赴體

予嘗觀奇恠之事於諸家有全然非常理者固可謂異有深切於理者亦以奇恠記之豈非自惑於理歟如薛用弱記裴孝廉生魂馳鬼馬類世多有之聊述一事宛然如裴者復說其理以俟博學者正焉予友會稽朱朝儀袍語予曰父友三鄉某素公直見重鄉曲凡有不平者咸取決焉一夕歸過溪瀨瀨中步石子偶滑遂爾傾跌起即淋漓奔家至則門已閉固隙中見妻燈下紡績擊門高叫其妻會

莫之應私意曰吾豈死於溪耶今爲鬼耶何幽顯之判如此耶復思鬼可潛身從隙入以試之隨到妻所遂擲弄剪刀拍妻之額妻驚駭叫兒口稱頭痛滅燈以寢某惶懼知已爲鬼矣復出號泣走懇當境土神神曰汝素忠直可隨吾來至溪見形浮水面神令閉目推墮於溪遂覺之起視其地已非渡所屍流數里而天亦昧矣歸語其妻勿合夜事予謂陰精陽氣聚而成形陰血爲魄氣陽爲魂魂升魄降散則死矣當其未散之時或驚死誤死一旦魂離於魄奔走四出不知其爲死也何也心震神馳不復根究雖同夢昧豈如偃卧安靜神清氣融自可以反其形耶抑或氣盛知死而不能反此却佯狂依附遂乃爲崇世傳有鬼

者又非是耶然人則散去故世間有鬼處後却無之至於
善終者無復言鬼蓋生時病以磨滅精靈死即魂散若三
卿者一驚魂出生氣全在故乃如此使不復屍即所謂鬼
矣此自然之理何必爲異土神卒領之說亦理所有蓋此
具在祀典安有不當死而忠厚者神不救哉

前知事蹟

予觀書每見先知之事以爲如山人之辦茶果康節知議
後事心虛之說此則非一日也又思史稱鄴里之智足以
知身後之事及漢滕公掘地得石槨有三千年見白日之
說則三代以來已有數學事乃一定但習之者特先知耳
因節畧數条併錄於左以見代皆有人人自不知耳隋煬

帝命麻叔謀開河至睢陽宋司馬華元之墓開穴漆燈棺

帳遇風皆化爲灰一石銘曰睢陽土地高汴水可爲濠若

也不迴避奉贈二金刀

後麻叔謀被砍爲三段

又掘至上源驛之東

得一墓漆燈煌煌啓棺其人如玉髮生過腹矣檢得一石

銘其字烏跡之篆文曰我是大金仙死來一千年數滿一

千年堦下有流泉得逢麻叔謀墓我在高原髮長至泥丸

更俟一千年方登兜率天叔謀脩棺葬松城西今大佛寺

也

已上出開河記

又衛先生大經解良人生而閉門讀書周知曆

象壽終葬松解良之野開元中大水姜師度奉詔鑿無鹹

河以溉鹽田掘至衛先生墓得一石刻曰姜師度更移向

南三五步又開元中江南大水玄宗詔馬御史往巡之至

江南忽見道旁有墓浸水公念之命遷於高原既發墓得誌石誌後有二十言曰爾後一千年此地化爲泉賴逢馬御史遷我向高原驗其年果千年矣宣室志又江南保大中秋日伏龜山掘得一玉函長二尺濶八寸中有鐵銘文云梁天監四年秋八月塋室於是銘曰莫問江南事江南自有憑乘鷄出寶位跨犬出金陵子建司南位安仁乘夜燈東隣家道闕隨虎遇明徵字皆小篆後後主國亡知之蓋後主丁酉年生辛酉年即位至甲戌年國破應前二句矣國破時曹彬按甲於城南潘美統兵於北城借古人二姓以明之東鄰乃指吳越錢氏家道闕是無錢也錢王弘俶小字虎子又甲戌年亦舉國以入觀皆驗也又高氏據

有荆南日於山庭鑿池得一石匣局鏤甚固啓視中有篆
銘云此去遇隆即歇至宋祖改元建隆國亡又沈彬即中
袁州宜陽人卒之年自定塋地子孫發土至七尺有石片
既啓下乃得石墓一所靈座花臺蓮花燈碗皆青石爲之
鐫鏤絕妙又得青石銘曰開成二年開雖開不塋埋漆燈
猶未點留待沈彬來此上二事出採異記又宋祖築殿得石有篆書
曰歲在申酉汴京不守及微欽北狩非申酉年殊不知後
杜充去東京之年乃巳酉也又嘉定中有厲伯韶者俗作
衣精地理之術至廣州爲林某家看其先隴以今中衰者
由祖穴向稍偏斜所至因發地得石有文曰布衣厲伯韶
爲林某塋此千載不食之地後學淺識不可輕改徐視石

與原土封微不同耳遂拚之

出水東

又至元十五年有軍

所名狗兒者於杭北山橫衝橋壑土得一錢券云鴈門馬

氏壑此後云至元十五六狗兒壞我屋

出武林

又

國朝景泰間洛陽兩農訟一石於府一云已耕而得之一

云出已土中知府令舁石來視則有刻曰大明景泰乙亥

知府虞廷璽爲我復興此寓其時正乙亥府主南鄭虞廷

璽也鄭意康節寓遂爲建祠

山陰錄

今省志所載無前十

七字事恐涉術數而諱也又正德駕崩大學士毛澄迎

今上嘉靖之駕駕至藁城過橋偶爾橋崩有碑出焉碑文

曰橋崩天子過碑出狀元來則毛乃弘治癸丑狀元耳又

建文時程濟陝西朝邑人四川岳池教諭一日詣關上書

曰某年月日西北兵起國當有難朝廷欲誅之告曰請繫之以俟其時不驗誅之未晚也至靖難兵興適符其言遂釋出使爲軍師護諸將北行同退北軍俄有徐州之捷捷後不知所之後人見其暮夜往祭徐州勒功之碑亦莫知所謂也後

文廟過徐見豐碑問以何爲者左右以前失利於此某人所立戰功次第統軍姓名者

上大怒急令碎之復曰且錄碑中人名來至則碑已鋸拆錄其名則程濟之名正值鋸處而不可辯矣後

太宗登極照名誅之程得逃難始知暮夜之祭乃禳之也予觀此事則知前之十一事者亦若人耳深知理數但死生

有命富貴在天不可違也

夜叉

嘗聞杭醫吳景隆之妻產一子而青面無髮雙角夜叉之形產出將殺之遂被躍出窓外升屋而走吳集家人用布囊捕之搥死予未信也後見吳樂閒私抄中亦載此事始信爲實蓋二吳厚友也

柴光

正德庚辰回回新橋鄧副使家炷下有柴一堆忽然放光如月之明照耀牆壁移置他處其光亦然如此十餘日方止後亦無他事

鼠報

吳友主事張元吉應祺嘗言家有一僕善捕鼠擒殺甚多一日睡熟微覺足痛以手捫之乃一鼠噬其指也擊之不去遂拿鼠投之亦不去痛極乃殺鼠劈口方脫傷已大重血流滿床席矣明日遂爲一瘡濃潰經月痛楚而死苟或爲報應云

死者復生

吾杭佳家巷有漆匠杜鑑病死將月家人已置棺于野一日欲火之啟棺見屍不朽因細觀之胃中復有微熱但閉目不能言耳後竟月餘復生

五通攝人

餘姚郭姓民人新娶一婦過旬日適值元旦其婦粧飾出

堂欲拜公姑行至龜口倏然不覺舉家四野尋覓不得後五日聞半死於山間家人往救問之但曰被二三人拖扶而去只從屋簷上過至則相合如醉夢中今偶日出予在林木中映下視其鞋紉裳襴皆已碎壞後或看守不嚴則又斷去矣不得已賣入於新建伯家遂息人皆言五聖也

佛足生蕈

桐樹園祥符禪院新雕佛像未彩飾內一座足底生蕈如芝草上分二莖齊曲仰承二足其端如掌大色間黃白發生之巧渾然天成杭民爭往觀之侍御郝公淵聞而惡之召責其僧蕈遂枯死

錢穀能飛

吾友王蔭伯教諭銅陵時聞有王姓民初富後貧遺空倉數十間一夕聞風雨聲晨起視之則倉皆穀實之矣而穀每粒有二微翼如糠粃然歸語予則表兄諸廷佩曰予在山東日薄暮空中轟然有聲衆曰錢飛矣明日詢之城隍廟後某家得數萬錢予始信蝴蝶滿苑樹迨不虛誕

猪肉生字

吾杭嘉靖七年五月間官巷口屠兒李姓偶殺猪吳姓者買去未及烹第見油膜內字文隱隱起膜視之則油上如印成之書四行其色如密其大如豆其文曰麻官手壁兩身敵功在鷄魚則廉矣初行五字第三行二字第三行五字末行二字共四行似前後尚有字焉乃及初散分買而食

之矣此則親見者又聞嘉興正德間曾殺一猪背上三圈
每圈中有王字一箇亦不知何說也

叅政夢

吳友叅政陸原博溥居士政時得寒疾一夕見二卒挾持
而去至一大殿有主者我冠博帶據案麾曰此非所當攝
二卒復引而退行見門樓一座門上有先輩詩援筆亦書
一首回遇姻屬孫知府安趨前揖問孫以今日至此春之
孫遂爲他卒扶去傍有大水漫漫心甚恐懼二卒隨推而
下驚覺乃一夢也後家書至孫乃夢日死矣人以此非地
獄之說耶陞正郎又夢侍飲王者一人飲畢王命盡賜席
間金銀器皿陸辭之王曰爾不授當與爾一叅政陸心自

以此何人斯從者曰此

興獻帝遂醒後數年嘉靖入承大寶心恒以官必止於叅政無何遷陝右叅政赴任至靈寶憇息分司間見軟門有先輩數人詩章因咏一絕書之聞黃河近遂有與視之明日疾作不可進矣即沒其地嗚呼陸豈知死在於叅政耶題詩見水又知爲死之日之事耶前定錄之說何謬耶人可以妄心求耶

狐狸

山東多狐狸而無獬獬嘗聞狐狸成精能變男女以惑人予嘉靖八年到山東以其事詢主人土人曰狐每夜半即潛入貧家破屋至卧榻中出口受人鼻息人覺聞其氣駭

曰打皮狐打皮狐然不知其去幾許矣如此久之便能縮形地不可進處亦能以進命又便能變化遂與民間男婦相淫亂各尋其雌雄以合且善攝其財物以益主其所私者死復移他室人亦不甚怪也有土工宋留暮遇一夫自言欲爲人役話間隨宋至家出錢沽酒對飲醉後睡去乃一純黑狐也宋亦不驚破明發語宋曰汝無福吾之西關李某氏也李乃青州府吏其妻遂爲所染又石槽城李堯儒官也祖母爲其所染祖死母復被之家有獵犬時或見之遂吠以噬彼則跳躄於主身耳又張姓者乘車出西郭見一大追婦人飛來顧間婦人乞以附車遂犬自言某地人張遂載以去抵家復求假宿張不拒而遂同寢焉閱數

月自言我狐也今當去君明年此日見我於臨清某市張如期至其地見婦走索於市中喚之即下同至一酒館歡飲數日資以白金百兩告曰與汝緣數足矣再勿相從張回不知其所向觀此則商人取以爲妾之事有之矣是皆見在之恠而臨淄一縣之民予親聞之也

沈氏魚

仁和四都民人沈浩父子橫法侵漁水利嘉靖戊子夏家人劈二魚已爲四片烹將食之其魚踴躍出盤者三鄰里來觀猶自蜿蜒沈曰是何恠乃爾吾食之食無一月即懼水利之禍明年孰知長子又亡豈非天假魚以兆之耶

康節生死

邵氏聞見錄曰大父伊川丈人與李夫人山行於雲霧間見大黑猿有感夫人遂孕臨蓐時慈烏蒲庭公生髮被面有齒能呼母七歲戲於庭蟻穴中豁然別見天日雲氣久之告夫人夫人至無所見既長游學晉州山路馬失同墜深澗中馬死公所傷唯壞一帽熙寧十年公年六十七矣六月微疾一日晝卧覺且言曰吾夢旌旗鶴鴈自空而下導吾行亂山中與司馬君實呂晦叔諸相分別於一驛回視壁間大書千秋萬歲四字吾神往矣無以醫藥相逼也後竟不起嘗於史傳中言上古聖人之生死多有如是意或荒唐今伯溫記其父安有妄耶此於傳中言行錄俱未載而聞見錄又無刊本故特錄出以見康節誠異人也此

古今一見之者也

懷馬果報

嘉興萬石長懷氏者家富賓客滿東南以石爲庖池池闌爲肘貫主翁歿已久隣有吳老人亦物故而尸不寒三日不敢殮及甦自言曰初有一獐卒押至法曹有官如王者傍執簿書人問曰汝壽未盡何遽攝至卒復押而出索錢不行頃間見懷翁着械而來問之謂曰吾當貸汝汝歸當爲我言之吾家殺生甚衆罪皆歸我今受報百端吾不能爲若苦矣所可解者惟有設大醺耳吳曰汝官人素不信此苟無佐證亦徒言也懷翁曰其中無可爲證但吾平生所積一一語之矣惟床頭之物夾屏風中四百兩兒子不

知汝爲我言可也吳頷之及醒往語其子果然乃一如其數又嘉靖甲午浙省考試官馬呈瑞入廉之夕廉中驛丞張煥夢考官騎後繫婦人之首騎奔入場張逐之人頭曰勿救彼我特來報警耳覺以告諸同事者無何聞考官病御史以張善醫令入侍之則馬不可治矣馬時尚了了但云驛丞爲我逐此婦人張詢其僕乃知考官前任鎮江時斫死厓妾金氏昨過其地遂動心得疾及死前一日語諸官曰幼嘗於九里湖夢中舉後復入貢院欲易靴而或曰汝無靴矣昨入廉覓靴不可得今非死之數乎嗚呼果報之說有之耶有之乃奇怪也紀以警人

托生之說亦妄矣時或有之不可決以為無也但聖人之教不語怪耳螢雪叢說記前身之事多矣事不可信但余觀英傑之士必多般若中來不知何也耶舉宋人言之張方平乃瑯琊寺僧轉世見冷齋夜話東坡是真戒和尚所授新話王十朋乃族叔之師嚴伯威見梅溪文集史彌遠乃覺閣梨之復生見隆山雜誌馮京記已先為五臺僧見孫公談圃真西山是草庵和尚見癸辛雜誌外集至本朝尚書胡滌乃天池僧之後身見墓誌皆事跡明白或自言或同時之人之言諒不誣也

李林甫

予女翁曹和傳飲於陸允誠家主人割鷄將烹而鷄背

宛然李林甫三字客皆驚而不食事動杭城後予聞而謂客曰千年之後林甫尚爲冥報事耶客曰癸辛雜誌所載耕牛批背之事亦豈爲妄耶正三世爲牛七世娼之意也洪武間吳山雷震蜈蚣背書白起亦此之類歟衆皆右之予因言劉公嘉話中有畫工解奉先私資入已反誓曰若爾當爲牛報後果爲人家一犢背有白文解奉先三字似此亦有之也但此鷄不應如此之遠事乃偶然當置之不言也

佛光

嘗聞釋氏云出佛與舍利子之地每有光焉余未之信也後見王嵐峰念守潯陽時遊廬山有記記云至捨身崖予

方股慄膽落不敢前一僧踴躍拜曰佛光現矣初視紅色
掩映雲端漸成五彩復圓如車輪如是者三余誦之猶以
爲此山靈之氣偶爾見於文殊乘獅化現之地嘉靖甲午
余在金陵遊大報恩寺寺塔壯且麗可謂極天下者聞有
舍利鎮塔下是日同行者五人老僧隨之且曰善人登之
時有金甲神人或五色光現不淨者有損焉衆聞之且見
其峻險遂至二三層或四五層者余則竟行至頂意其言
之妄也不意出寺數十步偶爾回觀則塔上橫射光彩真
如佛圖所畫遂指衆而見之此又不知何說

耽詩成僻

元人劉昂有山雨詩云嵩高山下逢秋雨破傘遮頭水沒

腰此景此時誰會得清如窓下聽芭蕉余常哂其上下淋
漓清在何處近時海塩沈某因誦離騷經而得二句曰叢
蘭芳芷浦東臯閒步春風讀楚騷然下韻不接因又思誤
墜厓下人方礪扶乃曰好也好也遂歌曰忽憶靈均發憂
憤墜崖幾折沈卽腰因思古今未常無對傾跌傷軀寧無
痛楚尚曰好耶皆耽詩成僻不顧其身豈非痴乎

五十三

蘇郡文徵明之父林弘治間爲温州知府一日覺似病狀
令人往九仙祈夢夢仙曰孔老人之言卽是歸告府主文
莫曉其故明日升堂有老人來稟曰命解之木共得板五
十六片三片朽而無用文曰此尚可以解多乎老人曰不

可解矣文省昨日之言問其姓則荅以姓孔遂驚怖而回
衙病即不起時正五十三矣同郡唐寅字子畏弘治間解
元也嘗記九仙祈夢夢人示以中呂二字語人亦莫知故
後訪同邑閣老王鏊於山中見其壁間揭東坡滿庭芳詞
下有中呂字唐鵬曰此余夢中所見也誦其詞有百年強
半來日苦無効之句默然歸家疾作而卒時年亦五十三
也

托生

吾友金子良生女數日隣婦過而問曰某日官人生女乎
家人曰何問也婦曰夢予女云然頸後必有白髮家人叱
去後三月頸後果見白髮死前衛百戶朱卿生子方三日

有僧來詢曰君家三日前生子乎朱曰何謂也僧曰是聖師轉世左手有硃砂志視之果然然亦不久死人以爲說破故耳

動石銀錨

大禹之塚在紹興去城十餘里塚上直豎一石名曰砣石如人家插塼可以動搖聞下可以線過然數十人稱之又不能起蘇州有磚砌之塔名曰宮巷塔雖高不過三丈大不過數圍人撼之即動頂之風鈴每爲人搖下因此塔亦每損每脩今官府以攔木障之好事者柱木以搖淮安清江浦城中草園地上有鐵錨數板大者高八九尺小亦三四尺者不知何年之物相傳永樂間三保太監下海所造

雨淋日炙無點髮之縮視之直如銀鑄光澤猶日用松世者

武侯兵書

廣西全州山上有武侯兵書木匣歲或一換新板於外手舊曾聞之未信今大中丞顧東橋云親見也

生老病死苦

聞見錄載熙寧中王荊公改新法日爲生事曾魯公年老依違其間富韓公稱病不出唐叅政與荊公爭直不勝疽發背卒而趙清獻惜之過唯叫苦而已時人稱爲生老病死苦又中吳紀聞載吳江邑小地狹崇寧中遂於縣東隙地置儒學以養生員置養院以存老者安療坊以養病者

涌澤園以堊死者當時亦有生老病死之稱予以彼時亦有慈幼局以養嬰孩之棄者何不以此易去生員之生及增縣獄之囚豈非真之生老病死苦耶以此視彼則可謂一虛一實之對也

聖汗

北魏孝昌三年二月洛陽平等寺金身兩目垂泪遍體俱濕時人稱爲佛汗如此三日而明年爾朱榮入洛誅戮百官殆盡見洛陽記宋靖康元年正月立春先一日京師太史局勾芒神流淚滴襟袖是年徽欽被虜見綱鑑正德間賊人劉六輩反於山東未至曲阜而大聖人像面汗出其孫衍聖公以布拭之拭而復出後賊至盡擄每朝所賜豈非吾

言卷之二
大聖先知其厄是亦決也乎

女鬚

鷄肋編載唐李光弼母有鬚數十長五寸許又宋史載都下朱節妻鬚長尺許徽宗賜爲女冠洪武初南京蘇化門東街達達婦人亦有髭鬚長尺許

七修類稿卷之四十九

杭仁和郎瑛仁寶著述

奇譚類

鼻飲頭飛

元詩人陳孚出使安南有紀事之詩曰鼻飲如甌頭飛似轆轤蓋言土人能鼻飲者有頭能夜飛於海食魚曉復歸身者予見羸虫集中所載老撾國人鼻飲水漿頭飛食魚近汪海雲亦能鼻飲頭飛則恠也昨見星槎勝覽亦言占城國人有頭飛者乃婦人也夜飛食人糞尖知而固封其項或移其身則死矣作書者自云目擊其事予又考古占城正接安南之南而老撾正接安南西北信陳詩之不誣

也

五更啼

弘治己未科學士程敏政爲禮部主考官既入廉給事中
華杲劾之以爲鬻題遂詔獄覈杲一時回護杲坐不實去
有右杲者亦被罪當時雖廷辯然皆爲翰林諱而卒不得
白但考卷命別取之坊此科至三月方得揭曉而敏政不
能無愧容矣後寮家置酒有優人祇應扮出提鷄者大叫
曰我有一隻鷄價賣一千兩一人曰誰家的賣得此價對
曰程學士家的只買他箇五更啼經題一座赧頰敏政亦
窘尋即致政

海觀杜撰

海觀張天錫錫作文極敏捷而用事多出杜撰人有質之者則高聲應之曰出太平廣記蓋其書世所罕也

二命肆

杭衆安橋有星士號秀山門戶蕭然後推一命因批曰火入金鄉必主弟兄離散其人驚曰吾兄赴金鄉軍吾兄弟俱送之至彼而病死是一火入金鄉而兄弟離散也先生豈神人歟因薦譽之自是來者充斥洪福橋有周主簿亦善此術歸休二十年日入於貧遂設肆以資是日高坐嘆曰二十年做這許樣來屢言罷休者數聲忽一人入簾拜曰我搆此讐二十年矣今欲往刺之而先生特爲相勸殆天所以啓我也就出刃於靴中擲地而去亦自是溫飽二

讀書卷四
一八
事暗合甚相類也得牛豈非自有時耶

王沂公主

文昌化書後載梓童坤降筆勸敬字紙文又曰宋王沂公
之父見字紙遺墜必撿拾以香湯洗燒之一夕夢宣聖拍
其背曰汝何以重吾字紙之勤也恨汝老矣無可成就他
日當令曾參來汝家西人生顯大門戶未幾果生一男遂命
名曾後果狀元及第誠若是則吾夫子亦有輪迴果報之
事乎老杜所謂孔子釋氏親抱送者非欺我也可發一笑

十七字詩

正德間徽郡天旱府宇祈雨久誠而神無感應無賴子作
十七字詩嘲之云太守出禱雨萬民皆喜悅昨夜推窓看

見月守知令人捕至責過十八止曰汝善作嘲詩耶其人
不應守以詩非已出根追作者又不應守立曰汝能再作
十七字詩則恕之否則罪置重刑無賴應聲曰作詩十七
字被責一十八若上萬言書打殺守亦哂而逐之此世之
所少無賴亦可謂勇也

苦井

北京蘇州衚衕有苦井焉弘治間正月旦日清晨有衕人
汲其水往甜井中易水而來向井說詛而下之此井遂變
為甜水至今土人言之亦奇也

排笑詩

蛙翻白出闊蚓死紫之長二句人皆以此訕口而不知出

處殊不知此宋室有滔大使者好為此排笑之詩也初哲

宗灼艾舉此以娛故傳之也詩云日暖看三織三見蛛風

高闔兩廂出遊遇左蛙翻白出濶腹白似出蚓死紫之長

以之字而少長撥飯聽琵琶樊飯時聞琵琶持饅接建章持饅時接建安章秀

才歸來坐簾下打殺亦何妨施打鬼又一日雪作哲宗

問有何詩方吟二句云誰把鷲毛空處掃玉皇大帝賣私

鹽皆此類也前載說郭後載群居解順近時成化間寧波

好事者有一詩嘲分守官云布議蘇崑李布政司參議蘇州崑山縣人姓

李分寧只點工怒揮門不炮以指揮門不放炮責鋪夜無籠籠籠也

庫出收塔點點庫出塔收生燒接縣東生日燒紙接買真

蕪得皂為買真皂靴留綠老宜葱買綠改鋪力偶持葱白

并要皂靴

由從滔大使始

諺語歇後詩

海鹽天寧寺僧明秀都綱職也攻詩字奔走勢利嘗上一
達官詩犯其所忌被責使下軍人王茂元朝以歇後諺語
有箇利市仙官也天寧不毒不也因上七步成也打出週而
復始言雖鄙俚因僧致戲頗得歸戒之意

五空數

金人田特秀轉運使也母妊時問仙仙曰前中後是五五
三一十五生死與成敗逍遙在廊廡莫識其故後生時五
月五日午時以爲合三五之數矣豈知因其生遂名五兒
所居里名半十行當第五二十五歲鄉府省御四試皆中

第五死於憂午軒壽五十五八月十五日也弘治間蘇州學生陶麟因科舉祈籤於江東之神詞曰到頭萬事總成空是年不第以爲終無成矣後應貢登知編號乃空字正德丁卯領鄉薦辛卯登進士卷號亦皆空字二事真可謂巧也如王遇鬼

錢塘醫士張璉字如玉與同醫張用道相善弘治甲子用道卒于家如玉行醫徽州弗知也越半歲返家入市遇用道於仙林橋相揖畧問起居用道似有愁色如玉詢其來則云適在楮家堂舍弟家中飯也後如玉訪友馬浩瀾詢用道生業如何馬曰已歿半年矣如玉大驚具言相會之事二人駭愕翌日扣其弟果是日祀其兄也此事親聞於

浩瀾者由此觀之則牛僧孺所謂世間人鬼雜行但人不
知鬼也及隆山雜記洪楊祖復遇死妓而官員遇死妾者
皆不妄也

馬王終事

嘗聞士宦死時恍惚自言去某地爲神或彼地之人附體
以言之予則以爲怪不足信昨見少師馬公文升誌銘云
公終後明日里人有王姓者自葉回忽遇公於途見公鱗
衣玉帶騶從甚盛若素出師之狀拜而別之歸家聞公死
矣又餘姚布政王公恩死之日有梳頭人倪姓者住隔公
家十五里清晨見公輿從出行以其素執役於公拜於道
左以俟公過翌日至公家則公病而歿矣此觀聞於公之

長子元甫豈皆虛語哉此或左氏所謂在生用物宏而取精多故有是歟

三天

婦人再醮有不得已者必非也况吳有婦人乃縉紳之女家富而識字已嫁二夫夫死復死將再醮焉士人耻之有嘲以一絕以戲之者詩云辭靈羹飯哭金錢哭出先天與後天明日洞房花燭夜二天門下會神仙

韻府群玉秀才

海虞吳訥宿儒也有文平辯體行於世以上無根據之學而小小記聞者謂之韻府群玉秀才亦可謂善喻矣

陳櫬桶

陳樞桶相傳宋仙也能道微欽事甚悉跣足蓬頭冬夏單穿衲衣一領衣甚舊而不汚鬚鬢斑白目一色若蒼玉然可半百人矣明公皆欲求見隱顯不測今日江東明日關陝非自來不可得焉吾友王元甫弘治間會於揚州官舍所言甚平易時坐於藥欄之上弟元敬以火鉸擊背如不知者事飯而去昨聞太常盛公端明云有傳乃晉人文似朱作也

姨夫錢

杭有無賴子某祖起迄商賈賣後至無賴因不事生而貧矣然尚業其祖父有客不至則入其財爲已有客索時則又俟後客之貨轉賣以償爲年復年客後客名曰姨夫錢蓋

以夫死媿復可以嫁人之意耳後被人謗則自解以戲曰
我家開行數十年何常訖欠客人錢後客移還前客去客
人自少客人錢予以此言雖俚甚爲蘊籍無賴亦聰明子
也惜不用此以治生哀哉

婚券相合

錢塘定北鄉大青嶺居民邵士賢成化間一產三子皆不
育踰年復生一子小字回官既越月士賢行於隣左沙中
偶見白物隱出掘之得銀牌上鑿云陝西蘭縣民人回
官本年丙午九月二十一日午時建生凡二十二字正與
士賢之子相同但不知何姓牌之背又有花籃二十二
對等字乃婚券也人多目之逾三月回官亦大此不可疾

者也

諸淪愛棺

姚江諸淪鄉進士也寓於姑蘇僧舍者年餘頗有壽函木
甚美淪愛之出入必撫之曰好材若無何淪客死僧遂以
價請於主人而殮之及開看內題所製年月則正淪生之
日也亦可謂異哉

太守對

吾杭鄒大參虞翁謹知延平時親友皆爲其討綉花譜子
蓋譜乃延妻產也後到任則延乃四時多筭而譜絕少回
與人曰吾任損有餘補不足也人莫不笑予聞而語曰昔
陳亞知恩州到任與親友書曰使請五馬雙旌名目而已

鏘鏘一文兩箇真實不虛二公豈非其切對乎

諺語至理

御史初至則曰驚天動地過幾月則曰昏天黑地去時則曰冥天寂地此言其無才者也賒酒時風花雪月飲之時流星趕月討錢時水底摸月喻世之無賴者也未娶時越河跳井既娶則擔雪填井娶久多生不能養育則投河奔井此言雖戲皆深致於理也

豐李夢神

吾友吏會主政豐存禮坊鄞人也寓杭構疾舟中勢將危恍忽見老子於帳外爲豐取手針之家入見其出臂將欲與之收被中則豐言欲飲食也明日遂愈又庠友李世傑

應魁一日得疾月餘不解群醫皆以必不起矣夜夢接權授藥一九促令食之覺後似少愈焉明日醫視脉症即曰可救矣旬日亦痊二事予親見之者

詩人無耻

江湖游士多以星命相卜挾中朝尺書而奔走閭閻郡縣以餬口因之爲生涯也然而詩人亦甘心於是者如宋壺山自遜一謁賈似道獲楮幣二十萬緡是矣所以不顧廉耻而望門倒屣爲聞者厭甚可愧也近見金華一友慣遊食於四方以賣詩文爲名而實干謁朱紫有私印一顆其文云芙蓉山頂一片白雲其自擬清高如此友人商履之嘲曰此雲每日飛到府堂上聞者絕倒

異胎

弘治甲寅四月湖市賣魚橋草營巷有生兒一頭兩面雙耳四足男女皆具者其家恠之棄於市河中行丐收之人有求觀者索錢一文予以此必雙兒未判者也是年十一月嘉禾橫橋有航人李碩者妻臨產腹痛欲裂生一鰲而手足則人也蓋此婦生居澤國所見必多此物氣類相感而然耳占有胎教詎不信夫

盜酒令

予嘗同群士會飲有行令欲以犯盜事爲對者遂曰發塚可對窩家繼將曰白晝搶奪對昏夜私奔衆曰私奔非盜也繼者爭以此雖名目不倫原情得非盜而何一人曰打

地洞可對開天窗衆又曰開天窗與非盜事矣對者笑而解曰今之歛人財而爲首者尅減其物諺謂開天窗豈非其盜乎衆哄而笑又一人曰尤有好者如三槽船正好對四人轎衆方然想彼則曰三槽船固載強盜而四轎所擡非大盜乎衆益哄焉坐有四轎之客不樂予曰涇渭不倫清者當稱四科入四輔轎云乎哉濁者豈曰盜爲真可謂四獸矣衆然而樂

鴈君臣

元魏初居雲中孝文變左衽之俗遷都洛陽群臣畏暑不欲其內徙下令北方酋長侍子聽其冬朝春還部落時人謂之鴈臣予以元世諸君每歲避暑上都秋還大都豈非

鴈君乎近時北虜每年一寇山西此可爲之鴈虜乎雖然胡人不久遷蕩亦戢也

中酒千金方

嘗聞中山武寧王玄孫徐某一日與畫師吳小仙太醫孫院使宴飲命吳畫女樂諸子及孫吳陪飲之圖畫畢徐喜曰惜欠風流題客過日太常卿呂常見而題歌一篇首曰吳生畫手稱絕竒老我措大能評之舉人舊讀少陵作此樂獨謂君侯宜徐曰不必謾我但要寫當日實事耳呂然後鋪叙家樂援引典故通篇儘佳末云吳生吳生欲闌枋自畫白晢居侯旁如何更着孫思邈中酒却要千金方徐大笑曰是日果中酒也聞者絕倒予讀九析棠果有此歌

呂可謂善戲而徐則癡人前不得說夢耳

覓利太守

正德間嘉興太守羅以新絲鍋鐵照斤數而易人網巾網針唐夏候彪以萬錢貨鷄子幾何候鷄母抱兒成鷄然後收之以萬錢貨筭若竿待其成竹然後納官吁古今豈無對耶

神木

永樂四年取木於蜀之馬湖府計庸萬夫之力方可出水一夕木自達於途行聲如雷巨石爲開膚寸不損事聞廷臣稱賀

上遣禮尚潘賜賚香往荅神休詔有司建祠歲祭

見胡文他

書又云有山呼聲者三震動天地今京師木廠曰神木亦由此也聞其木尚存一二心已腐朽人可於腹中行過嘉靖癸卯四月

朝廷建九廟命內第主事吳宗乾取木於湖廣辰州卯洞其木竟頭高丈六用力尤艱於前死夫不可計得至水口忽風雨一木復入於山曲處餘木得達閘河河又無水難行吳祭而禱焉明日雨注而入者出增水三尺矣此皆可見

朝廷之福神助之也

換字詩

嘉靖中吾杭有好爲六朝詩者不獨巧麗而且欲用不經

人道之語易字換句遂至妄誕不稽背碍難通矣吳友編
修金美之作詩嘲云何處歌新調旂旄固不羣剪花金瑣
瑣闌葉玉紛紛巧疊空中錦輕裁水上雲自慚心太拙到
此不能文又虞子匡一日述一詩示余曰請商之何如余
三誦而不知何題虞曰吾効時人換字之法戲改岳武穆
送張紫陽北伐詩也其詩曰誓律飈雷速神威震坎隅還
征逾趙地力戰越秦墟驥踪匈奴頸戈殲韃靼軀旋師謝
彤闕再造故皇都岳之號令風霆迅天聲動北陬長驅渡
河洛直搗向燕幽馬蹀月氏血旗褭克汗頭歸來報明主
恢復舊神州不過逐字換之遂撫掌相笑今時之弊之如
此金詩旂旄旄二字不知者又譏之當爲反聲倚你者

冊船論 虞雖一時譖浪深似諸子之病

箕仙多鬼不可頻召

金陵士人顧某數召箕求詩一日得詩云天冷山城二鼓敲
雪迷洞口路迢迢雲窓童子燒松火待我鸞輿下碧宵
請書名則又駕二詩云古來花貌說仙娥自是仙娥薄命
多一曲霓裳未終舞金鈿早委馬魂坡又云昔日長安一
太真君王一見咲傾城洗兒故事今何在只問蓬萊玉色
人後累召累詩言貌言情其辭不一遂爲所惑意欲一覩
真形以暢平生之所慕湔然滅矣忽薄暮有婦人自空而
下然亦畏死而失聲驚走家人共守過夜明日方念則婦
人又至恐怖懷憂無時寧息將至喪心者焉後得一友

人挽之遠遊久而方絕一也又杭人召箕父遠得其所資
語之曰可與仙翁一見乎拒曰幽明相隔不可也過日又
懇其父好寧無一會耶仙曰明日侵晨當於後園梅樹下
會也至期則見其縊死髯尸懸樹一怖病幾死此二事正
與夷堅志女鬼惑仇鐸者相類人之不可惑於邪也如此
夫

淫亂

人有恣其淫性而不顧五倫真獸類也作始者寧容誅耶
書之簡編寧無污耶然古有書惡人於座右所以戒將來
予特錄出不特使人人皆知其惡而爲萬世罵名亦所以
誅惡於既往父奪子婦魯惠公子息姑所定宋女色美娶

而奪之楚平王之奪太子羊建所定秦女唐玄宗奪子壽
王瑁妻楊氏爲貴妃父亂子妻春秋蔡景侯爲太子般娶
楚女爲妻景侯私通之般遂弑景侯子收父妾晉獻公烝
父妾齊姜衛宣公烝父妾夷姜厥後唐高宗立父妾武則
天隋文帝陳夫人太子廣烝之兄收弟婦唐太宗收齊王
元吉妻楊氏生子明姪收叔母後晉出帝納叔母陳氏爲
妻又有父收親女金熙宗殺其弟肸王奪其妃諸王兄弟
之女皆淫之甚者淫及親女姪完顏弑之而自立亦淫諸
女及妹叔母皆淫之又殺親母惡尤甚焉第收兄妻北齊
武成帝收嫂李后兄淫妹齊襄公通其妹魯桓公夫人文
姜後北魏之孝武帝通其妹明月公主蓋自襄公始也君

淫于下陳靈公淫夏姬姬之子其微舒弑之臣淫于上嫪
毒通秦太后後嘗食其之通漢呂后臣娶君后元泰定皇
帝崩丞相燕帖木兒娶其后爲夫人其帝家之公主四十
人俱納爲妾若夫觀淫爲樂者自商紂使男女裸體相逐
爲嬉其後宋廢帝幸華林園使宮人裸體與左右爲樂

白起

輟耕錄載白起王皮對證事且言當時朝廷知之差進士
尚哲督察余意自秦至元千百年矣就使有報應之說王
皮何不當前對之耶豈前時又不可勾攝之邪設使信之
則洪武己酉杭吳山三茅觀雷擊白蜈蚣一條長尺許廣
二寸身有殷色楷書秦白起三字

武林紀事

亦一

證也是可信

耶謂之恠也

前定

吾杭張子清瀛嘉靖辛卯中省元榜有秦鳴夏者其父垂
沒時如夢中語曰此兒張瀛榜舉人中後語子清言及是
事追數其年則張尚未生也又聞先輩淞江張黼未第時
夢人告以登科在狀元先覺而思之吾必無分於試錄矣
豈有名先狀元者乎及丁未會試名在十五而十六乃鉛
山費鵞湖宏殿試費爲狀元計其夢亦費未生也

白血無血

宋建炎間荊州長陽民婦向氏被賊皮仲執之不受辱被
害人見其白血自吮流至踵荆州又元王伯顏至正九年

爲福寧州尹被賊王善執之欲降不屈挺頸受刃頸斷白

液如乳後以陰兵助州滅賊

見元史

正德七年流賊陷上蔡

上蔡知縣霍恩被執罵賊不屈斷頸無血白氣縷縷若騰

龍然世之戲言白血此或可擬也又宋李庭芝死節時血

無一點

見韋君聽與

予以四人男女不同皆英烈忠貞者也古

人亦有然者不知四人何又如此之異

數兆於字

夫吉凶固惟人爲而事必有一定之數也或人言破之速

見其驗予以耳目所記如漢秦彭建營松彭亡之地遂爲

客刺蜀龐統遇落鳳坡射死唐李懷光叛逆至埋懷村爲

馬燧斬首宋張邦昌僭位國號大楚後賜死潭州不忍自

盡仰見所居之樓扁曰平楚就縊子瞻貶儋州子由貶雷
州魯直貶宜州人言大蘇立人可也二蘇兩在田上其來
未艾乎宜字似直字黃之蓋棺像也後俱如言本

朝景泰辛未狀元柯潛人曰柯有哥音潛有旋音正統其
回鑾乎未幾正統北還弘治乙丑狀元顧鼎臣人曰鼎成
龍去事可寒心不父

孝廟升天正德末寧藩謀亂師渡黃石磯而敗亡豈非王
失基乎

七修類稿卷之五十

抗仁和郎瑛仁寶著述

奇譚類

繫虎陰

四明象山縣有樵童入山偶遇脫窠之虎行倦而氣促攖童坐身下虎陰偶在童手童一搔摩之而虎似款之之狀特出陰於童身一隨其摩焉久之虎睡而鼾聲出焉童左右視之側有樹根之竅思腰有縛柴小索即以一頭解繫竅根一頭縛虎之陰盡力一爭而脫去虎咆哮不能行童歸語家人衆驚且笑而且往觀之則虎已死於樹根矣此得於本地同野王大叅之言予初聞之不能掩口深思爲

人呵伽而受害者亦衆矣豈獨虎也哉

左道

符堅入寇時會稽王道子以儀物鼓吹奉以相國之號求

助於鍾山之神

見堅傳

故堅後見草木狀皆人形也天寶間

西番寇西安詔不空三藏誦呪禳之忽見金甲神人不空

云此昆沙門第二子往救西安矣後西安奏捷亦云西北

有天王現形勝之朝廷因勅諸道立像觀說

故今佛寺有

天王堂始此嘉靖庚子山西虜賊入寇

朝廷揚旂設醮伏劒呪咀以禳之後奏捷適是日也以予

論之左道之術亦或有之助正不助邪也故三事有驗而

王昭遠之六丁不驗矣

林同知

吾父僊居林同知應麟未第時父夢第十名已而果然
既中同年嵇世之房主夢林中一百六十八其父夢中
第四甲進士八十六意者嵇之主人不當夢林四甲例
之無者豈知後四科方中是為四甲士矣數則一會試
一殿試者奇哉

代死失火

周允江右吉水文襄公之孫也為人公直愷弟術士每推
其命止於五十二歲嘉靖二十二年為廬州二守適當其
時一病脾胃并病傷寒自以必死矣夜夢神人語之曰汝
行事多善當有人代死明日群醫視疾罷有老醫出府偶

爾傾跌觸石而死周之疾自此愈焉北京西江米巷正德間有土人夜歸見一人布石灰於地圍長數十丈至門首灰迹亦存意巡邏者之所爲憫其遠去而掃除之數日後其地火發獨遺土人之室因作醮事謝天醮罷焚紙而飛火復燒其家始悟石灰之布火數也掃之而不焚今報之而復然也予意人可代死則富貴者長生火可遮歸則神亦不明矣是夢也死也疾之愈也火也復然也灰之布與否也皆偶相值耳或者神固欲之憧憧顯驗彰彰示衆是特假此二人也苟謂事事如斯吾未之信矣

種牙

嘉靖初有鄧雲翁者福建閩縣人少遇異人授以種牙之

方其法欲治者先令尋活鼠一枚然後至其家俾患者飽食而吞丸藥七粒復與沒藥入湯嗽口片時牙皆動動可下矣下時洗淨而記其片爲役洗牙齦乃用生鼠去皮腸和藥搗爛成膏依牙之序逐枚蘸鼠以種原孔三日不可食亦不饑由前丸藥之功也凡延治者通種過則至死如少壯之齒有懼而只使醫其病者則他日老而不種者皆落而種者堅固也往往士大夫多受其益真仙方也今聞死矣子亦不能專

喫苦稱冤

禱雨用蜥蜴以其能致雨也宋熙寧間旱令捕蜥蜴一時無獲多以壁虎代送官府民謠有壁虎壁虎你好喫苦說

國初大江之岸常崩人言下有猪婆龍也一時恐犯國姓之音對

上祇言下有龜也

太祖惡與元同音令捕殆盡時亦有賴龜癩龜何不稱冤嗚呼世受誣而被害者不知其幾龜與壁虎哉孰得與雷霆抗哉

許吏部

成化間許尚書縉巡按山東時有曹州知府任又不陞憤而造樓於州前名曰更樓實翫月飲酒所也然素恃才不得於儒學有生員王某因許觀風來曹遂稟知州之過并言樓事許因盤州庫藏致詰更樓當改爲庫樓於內

可也遂坐令拆毀毀間見有巨磚上書許吏部許吏部拆
了更樓造樓庫氣殺知州喜殺了王知固因問此何人
書也工匠以當時有瘋道士來罵者許已愕然後爲天官
而王生員爲固安知縣遂傳之人人以爲奇事予以今崧
臯又爲天官豈非二吏部乎

竹米

竹結實如麥則見於晉元康之時如米則見於唐開成宋
咸平之時然不言其色與味也嘉靖二十年杭州昌化縣
長亘五十里竹葉之間苞絡成穗而實焉採之而舂得黑
色碎米炊之而食味少澁而飽人和飴爲餅餌最佳其地
時遂就豐熟又見傳云竹實如鷄子味食之清涼滿口故

謂鳳凰食也此恐不然

周宣靈王

錢唐南良里有周宣靈王之廟或歲誕日忽來青蛙

即俗

但脚尖圓而青綠之色至深

一枚好事者取置他方明日復至弘治間

隣火見王於焰中救之嘉靖丙午火復切廟又見衣紅者坐殿頂亦異也

開幾場罵不休

景泰間朝廷銳意欲修續綱目督促翰院因各薦外臣相知者入幕時丁叅議理與宋尚寶懷因爭一事尚氣失色忿詈於館中時有一詩云叅議丁公性太剛宋卿凌慢亦難當亂將毒手拋青史故發謗言污玉堂同輩有情難勸

解外郎無禮便傳揚不知班馬韓歐輩曾爲修書開幾場
又吾友編修金美之未仕時爲外家張氏作誌謹依金石
之例不書婦姓婦家乃俗夫也意編修爲輕已而背言詆
之其友張教諭子典口占長短句嘲曰張翁墓誌金生執
筆不書婦氏婦家稱屈金生自謂能文字總動筆時便忍
氣韓退之柳州蘇東坡歐陽修當時墓誌做多少輩荒
門前罵不休右二事雖一時戲言大抵修書必須日久而
用人必得實學庶使事不錯而文精也苟拘以官法執筆
者非人書必無成也聞當時亦徒爲一番耳又無位之人
不當輕與人作文徒爲人嫌美之後貴求文者動以數金
而未得人不惡之是可占矣

天妃顯應

天妃莆田林氏都巡君之季女幼契玄理預知禍福在室
三十年宋元祐間遂有顯應立祠於州里至至元中顯聖
於海護海運萬戶馬合法忽魯循等奏立廟號天妃賜大
牢洪武初海運風作漂泊糧米數百萬石於落添落添音
可加萬人號泣待死矣大叫天妃則風回舟轉遂濟直沽
而後又封昭應德正靈應孚濟聖妃娘娘之號自後海舟
顯聖不一四方受恩之人遂各立廟故今在處有之也特
述其耳目所知者一二吾杭永樂中百戶郭保海運遭風
一旦晝如夕者似三晝夜矣舟人泣天許以立廟頃刻遂
見天日成化間吾杭給事中陳詢欽命往日本國至大洋

風雨大作舟將覆矣陳禱天曰予命已矣如君命何遠見
二紅燈自天而下若有人言曰敕人不救舡則燈至舟上
有漁舟數隻飄泊而至遂得渡登山即語曰吾輩爲天妃
所遣此山自基地去可幾日至廣東也但多蛇難行今與
爾僉藥敷足則無害矣已而果然復入京頌勅又行下舟
時夢天妃曰賜爾木此回當刻我像保去無虞也明日有
大木浮水而來舟人取之乃沉香至今刻像於家嘉靖甲
午朝命給事中四明陳侃封琉球開舟明日颶風大作桅
拆舟將覆矣舉船大呼天妃但見火光燭船船即少寧明
日有粉蝶繞舟飛不去黃雀立桅食米食盡頃刻風又作
舟行如飛微曉至閩午後入定海也神實不可掩也

戲對

正統間杭教授陳某年長而髮鮮矣時方伯艾英最爲多鬚乃舊知也艾故以一事籠絡之教授乘氣進司與講艾乃謾曰陳教授數莖細髮無髻可施陳隨口應曰艾方伯一臉鬚髯何須如此又成化間司馬陝西楊昇一日與司寇福建林聰會坐林戲曰胡兒十歲能騎馬蓋楊多鬚而年少之故揚荅曰願予三年不似人林在位已久而聞地有願也

盜竊書

友嘗借予詩林廣記楞嚴經其家爲盜入西廂因大吠而所竊無幾明日予過訪之主人曰并予之書去之矣予因

諷以一詩以自解西廂月黑夜沉沉盜入君家大吠紛紛
把詩林經卷去始知盜賊好斯文

劉長生

萊州有神山洞乃郡人劉長生學仙處也有石像臥榻面
有小竅水出不涸郡人云舊有太守劉姓者見石像面有
贅疣命工削平後劉面生一瘡如削狀奈之方愈今創處
長有水出故今陳尚書洪謨有詩云面帶微痕淚若流可
憐太守過爲謀仙家慣說能死解一石緣何念不休可謂
得詩人之諷也

三笑事

嘉靖庚子杭有穩婆爲人收生反生子於產家而醫人因

急症死於病家者又有蔡倉官權巡捕而為強盜劫掠一時畏盜口稱爺爺好事者作一絕曰穩婆生子收生處醫士醫人死病家更有一般堪笑者捕官被盜叫爺爺

報應

報應之事決有但皆假手他事展轉見之遲速不同所謂有記性沒急性也獨本朝編修岳正得罪

朝廷以家產盡給指揮李鐸鐸擐門不論男婦搜檢放出人怒其橫而無禮岳內亦受辱也無何岳宥復官而李鐸得罪

朝廷

英廟以其家產乃岳正者即復給之所得數倍於前而家

人之辱季氏婦女尤甚焉此真可笑

荒年轉語

嘉靖乙巳天下十荒八九吾浙百物騰湧米石一兩五錢
時疫大行餓殍橫道予友金玉泉珊除夜作二轉語詞雖
近戲事則實焉錄之不惟見時之荒亦足發人之一笑耳
年去年來來去忙不飲千觴飲百觴今年若還要酒喫除
却酒邊酉字旁做水年去年來來去忙不殺鵝時也殺羊
今年若還要鵝喫除却鵝邊鳥字旁殺我

金有定數

徽州知府鄧繼曾四川資縣人云給事時其親某曰君方
入仕切忌苟利予巡按雲南時至一地身如芒刺不可睡

意恐有冤欲訴秉燭獨坐突有一人在前叱之察院深密
汝何人可至耶應曰我非人爲君守財神也待之已久予
曰金何在神以座下是矣視之磚下白金千兩因語我爲
御史可置此物行耶能爲我送歸否神曰但要鄉貫票帖
耳如言寫帖焚之人遂不見將復命有同年某主事丁憂
於家進院告曰予貧兄能助否因以保舉一官言予允之
主事曰謝禮五百金請受二百予方難之主事曰不受是
欺我否則亦忘也不得已受而歸家數日後辦三牲靜夜
將禱前事則原神復至矣出其金止八百兩予問之何少
焉對曰前某主事者是數也悚然謝之未嘗告人今年八
十君至親仕途且遠洩此以見定分有數也鄧因語幕僚

鄭彥克鄭問御史主事名則曰過則當爲人掩其子孫
正在仕途鄧言時嘉靖戊戌年

肖祖

集異記載蕭穎士貌似鄱陽忠烈王事蓋以盜曾發王之
冢見穎士肖王故也又郭頌世語云魏黃初盜發吳芮冢
見芮屍如生後盜遇南蠻校尉吳綱曰君形貌可類長沙
王吳芮乎但君微短耳綱矍然曰是先祖也今記吳王至
綱四百四十年而穎士至忠烈王二百八十年矣唐薛用
弱云三五世後子孫必有一人肖祖者諺云外甥似娘舅
水木本源此豈非其驗歟

事相同

坦齋筆衡云趙鼎乃李德裕轉世俱壽六十二宣和遺事
云高宗乃錢鏐轉世俱壽八十一事雖荒唐四人德位不
殊壽復相同殆非偶然也若大聖人與朱文公皆庚戌生
亦奇也

人化虎

王充論衡多篇引魯公病而化虎之說及漁樵閒話載劍
州李忠因病化虎其子驚懼虎將食事予意世之變化者
多矣有情無情皆物也人之一變遂失本性哀哉昨聞表
兄諸二云成化間餘姚通德里有王三者每與孫卧至半
夜去將曉方回冬月則半體冷濕孫甚不堪因語其父父
疑其從盜也俟其去時踪跡之忽一夜開窓將出啟燈視

之已變其虎而足尚未全把其足則逸而去矣遂不復回
後人於山中每遇傷足之虎遂哀求曰三老官竟咆虎去
此與夷堅志黎道人殺變狗婦人相類不知一晝夜時倏
忽爲人獸者此何理也

胡楊前定

吾杭靜庵先生世寧少將習舉業其祖恐其無成召仙問
之仙批官至兵部尚書嘉靖戊子果陞前官予見其姪而
戲曰則恐令叔先生不久宦途矣不數月果致政回吾友
楊僉事祐進學時隣有裁衣匠夜夢人喚問其人曰我楊
僉事家也明發則楊家喚做藍衫匠人曰官人必做僉事
嘉靖辛丑楊官僉事予與戲曰官止矣不若陪吾林下樂

也別一年則聞死任是知一定而不可逃

掘地得人

予嘗笑談圃載元豐間修城掘得一物活而如人但無眉目或謂之太歲正德末崇德地名高田村民家掘地得活小兒即時燒死此又不知何異也

不知盡

嘉靖初南京守備太監高隆人有獻名盡者高曰好好但上方多素絹再添一箇三戰呂布最佳人傳爲笑余曰此中官宜然聞沈石田送蘇守五馬行春圖守怒曰我豈無一人跟者耶沈知另爲隨從者送入守方喜沈因戲之曰柰絹短少盡前面三對頭番耳守曰也罷也罷

季迪二夢

國初高季迪蘇人也詩文爲一時所宗其文集載志夢一篇乃其選官授命歸鄉之事無一不驗自叙得於恍惚吟嚙之間而可徵未至者無少或爲人事豈偶然者與余又聞其致仕後又夢一人執其手書一蘇字囑之曰爾必見殺於此人後凡蘇姓者皆不接見及本府太守魏觀嫖府治反君衛之右手不稱文東武西之位遷於張士誠故趾衛官誣奏太守欲復吳王之業

大祖召至斬之高因爲太守作上梁文併棄市予考其傳亦曰不得已爲魏觀客辭歸悒悒淹蹇死文集又曰不幸爲故人得罪沒於京似皆憐而爲諱之之詞且同時浦長源

挽高之詩有鼓罷瑤琴即解形蕭蕭日影下寒城之句是所聞之夢不誣神矣哉

異寶

嘗讀春緒紀聞有人蓄碼碯大硯注水硯間則水中有一小鯽游泳可愛去水則無也夷堅誌亦載人有銅盆九水注滿則雙鯽撥刺出水矣無水無之予未之信後杭醫某家造墳得土中二磁碗偶注酒於中則頃刻有綠苔浮滿酒中意其不潔所致及滌淨復注亦然飲之又未嘗有物也予女夫家有礪石水架盆於天井中水滿則綠苔浮面去水則無惜今碎敗不堪蓄水與古人所載魚事相同不知此爲何等異寶

靖 刑部副郎蘇志皋一日餞客先至僧房壁間有李德
所畫判子一幅迺脫靴為畫令一鬼執而投之一鬼執酒
壺於判後竊飲之蘇因假戲題詩以嘲云芭蕉秋影送妾
妾醉裡觥籌射鬼魔到底不知身後事鄂都城外更如何
蘇友高東谷時為光祿少卿夜夢綠衣使者揖曰蘇司寇
嘲戲太重求為解之次日高告於蘇蘇思而告其歸義之
故兩人相笑別去高復夢綠衣而我以公與蘇司寇交厚
專為求解何置不言高明日頗往蘇處特拉同至歸義復
題云蟠匄之竊酒頻傾總是區區兒女情莫道不知身後
事目光如電照幽冥是夕綠衣復謝高卿吁是何怪之若
是耶

鄭啞巴

正德間揚州江都縣鄭某因啞而人稱爲啞巴一夕至南門偶見空中光曜仰視則天闕也隨拜隨喚人觀不覺其聲之出口自是不啞予以人舌短縮則不能言豈因一拜於天遂有音聲聞未爲信後聞揚州曹進士守真云啞者遇其父之識果然

二徐異識

宋徐積節孝先生耳聾終日獨坐而天下事無不知本朝蘇人徐禎鄉家不蓄一書而無所不通

七修類稿卷之五十一

杭仁和卽瑛仁寶著述

奇譚類

八十九

正德丙子浙省秋試場中已定草榜提調參政王翊卓下
偶遺一卷視之頗佳視原批亦大稱許乃第三場者也遂
令對號檢其前場則已爲外簾批倒然展玩間心已爲好
袖語監臨鮮冕鮮曰足可壓榜中者之半焉遂對經易爲
八十九名開卷乃仁和王一槐也人以爲若遺前場則王
未必取王不語監臨則八十九名未必易此非其數耶至
丙午科草榜亦定但俟明晨揭曉矣是夜監臨揚九澤夢

一知府至室楊曰此地此時汝可進耶知府對以有卷未
填故來告知覺遂於坐隅得卷自爲文好且奇五更語其
事於提調監試者諸官未有言則聞內簾馮主試有請楊
至馮曰適夢一生員披朝服告曰吾卷已爲楊繡衣取矣
願贊成之予問其名則曰致字號也楊笑而對以前事且
曰監試提調之不言意已爲私耳今當拆卷視號回語諸
官拆卷果乃致字因對經榜名亦八十九也乃蘭溪縣鄭
國宥甥去者餘姚胡翰因致獎勵以褒之嗚呼前之易固
奇也後之夢果孰主耶八十九名非一定耶

宋興亡

宋祖以乙亥命曹翰取江州後三百年乙亥呂師夔以江

州降元以丙子受江南李昪降後三百年丙子帝顯爲元
虜已卯滅漢混一天下後三百年已卯宋亡于厓山宋興
於周顯德七年周恭帝方八歲亡於德佑元年少帝止四
歲諱顯焜德二字文同廟號亦曰恭帝周以幼主亡宋亦
以幼主亡周有太后在上端位於宋宋亦有太后在上歸
附於元何事相符豈亦報應之說耶

虎災

嘉靖丙午杭之屬縣有山處虎則成群白日入民家傷人
道路獨不敢行雖附城之市井亦至也死者不可計且不
可殲餘杭尤盛地名上臯有土神徐令公每附人言禍福
最靈縣尉許賽猪羊捕之旬日得六虎焉遂宰牲以祭然

牲既殺而毛不能去衆方駭之巫忽作神語曰上天降災
吾爲民逆天遭譴本所甘心部下壯士寧不使一飽耶牲
禮非數百斤不可也於是復益而後享予意連荒二年丙
午秋少熟又多虎災觀令公之言豈非其數乎

三韭三白

昔人請客東以具饌二十七味客至則惟煮韭炒韭薑醋
韭耳客曰適云二十七味何一菜乎主曰三韭韭二十七
耶錢穆父嘗請東坡食鼎飯子瞻以爲必精潔之物至則
飯一盂蘿蔔一碟白湯一盞坡笑曰此三白之爲鼎耶相
對闕然三韭三白真可爲對

鵲橋

鵲橋之說洪景廬辨之精且當矣而癸辛雜識又載楊續
繼侍姬田氏與婢七夕見仙騎鵲之事則又符於王喬者
然尤紙上陳言未足爲信吾友王貧外一槐尹湖之日七
夕停舟劉家溝見隱隱二條如旛非旛如龍非龍閃曜空
中當驛門數丈之上或分爲二或續爲一往來不定亦隱
隱惟聞萬鵲噪雜之音或時明聞一二聲飯頃雲氣紛郁
香穠滿空飄小雨數點而散意真有鵲橋之事也此又不
知何也

少保吏筆對

本朝少保于公謙勿時其母梳其髮爲雙角日遊鄉校僧
人蘭古春見之賦曰牛頭喜得生龍角于即對曰狗口何

言卷三十一
曾出象牙僧已齧之于回對母曰今不可梳雙髻矣他日
古春又過學堂見于梳成三角之髻又戲曰三角如鼓架
于又即對曰一禿似榴槌古春遂語其師曰此鬼救時之
相也慕誌載古後為弟子員接巡按三司坐一寺中有指
春為此也殿中之佛曰三尊大佛坐獅坐象坐蓮花可以為對也在
座者曰可令小秀才來對時于對曰一介書生攀鳳攀龍
攀桂子既對而出寺衆軍官問曰何以對之于即曰兩衛
小軍偷狗偷鷄偷菓此皆可謂絕倒也

孟密鬼術

雲南孟密安撫司即漢孟獲之地
朝廷每歲取辦寶石於此其地夷俗鬼術甚駭有名地羊

鬼者擅能以土木易人肢臟當其易時中術者不知也憑其術數幾時而發發則腹中痛矣痛至死而五臟盡乃土木或惡人不深但易其一手一足其人遂爲殘疾又有名撲死鬼者惟欲食人屍骸人死親朋鑼鼓防之少或不嚴則鬼變爲禽獸飛虫突入而食之矣皆不可以理喻者嘗讀演義三國諸葛七擒孟獲蠻夷多有恠術於今驗之果然今孟獲子孫尚繁

蘇陳酒令

昔東坡酒令一曰孟嘗門下三千客大有同人一曰光武師渡淖沱河既濟未濟一曰劉寬婢羨汚朝衣家人小過坡曰牛僧孺父子犯罪先斬小畜後斬大畜當時指荆公

也本

朝陳詢忤權貴謫之同僚送行衆爲說令陳循曰轟字三箇車余斗字成斜車車車遂上寒山石逕斜高穀曰品字三箇口水酉字成酒口口口勸君更盡一杯酒詢自言曰轟字三箇直黑出字成黝直直直焉往而不三黝呼蘇陳二人俱有意而口舌故起而後晤也

方陳報應

嘉靖丁未夏抗海寧縣雙廟巷民方林素不孝一日母怒曰我當懸梁以謝汝遂以機接脚以繩掛梁堦頭而勢將縊也是恐赫其子冀其改過不料子即去撈而身爲氣絕子遂掩人以急病貯棺明日其子若綁縛狀跪伏柩前曰

稱阿姆阿姆晝夜不絕水穀不進者半月顛狂而非人矣
其年吾友前衛右所百戶白鉞統卒啓運運卒有黃陳二
人每同卧起黃有白金二兩晝繫身而夜置榻陳知之也
一日早起扯舟而忘其所繫偶爾失聲陳聞而意其失取
矣移時托以腹痛下舟竊金而棄金包於水黃脫失金指
陳曰此獨爾知爾先下必爾盜吾物也陳遂誓天日褻神
靈惡聲無所不至白雖檢其囊而嚇以刑終無所得陳之
誓語尤篤焉如是者閱數月黃偶起草薦則金包帶水在
陳枕下因持包大叫於衆陳即失色吐其實情惶愧就縊
者數次白回告予予意善惡一念通於神明一歲之中二
事如此可不畏哉

道號

昔黃慈湖曾有一書與人辯道號之稱及世俗取者之多予嘗讀之喟然念子思孟子稱孔子亦曰仲尼未聞號之稱也近世誦謏卑佞之習尤勝似又非黃慈湖之時之比也二三十年之間鯁生小吏亦各以道號標致况有一命者乎然皆忘其名與字可笑也舊有一詩云孟子名軻字未言如今道號却紛然子規本是名陽鳥更要人稱作杜鵑正可以朝今日

焚荷妖

予見張東海弼誌松江董序班墓云成化丙午八月十二日午時正天澄霽市人見空中駕一舟自東而西又折而

東落於董之樓屋衆視之乃送所結舟也因駭之後語
於吾學教諭廣西宋君佐宋君曰嘉靖辛卯荊州當陽縣
地名沙寺市人偶見水中一舟載人遠來可二三十登岸
則舟乃大荷葉也人方駭之而舟人即至一大家求食與
錢不應即毀瓦畫漫與之敵焉則自殘其體其人終不能
傷遂沿門擾之官府亦無如之何擾將月後不知其所往
予時正署學於彼也予方以爲果有而皆術如騎草龍之
事也松江之舟未必無人或遇正神所衝委而去耳

雷震人死

嘗聞震死之人有硃書背三口月人如此四字人無識者
後有人云此米中用水四字特去中之直畫耳予則以爲

好事者爲之也。昨浙省都司周恒齋毫人也。云其鄉果有
硃書批背三行而字不識者。又有自見紅旗於盥盆數日
後人聞空中云不可錯不可錯。紅旗者是也。遂擊死。據是
則雷之擊之者皆神之有意者矣。然則擊木石者又何爲
哉。如酉陽雜俎所紀。恠誕者又何爲哉。嗚呼不可謂無亦
不可謂有此不測所以爲神也。

義娼

天順間楊昌平俊范都督廣爲石亭所構誅皆非其罪。二
人赴市英氣不挫。楊又挺身連曰陷駕者誰。吾提軍救駕
者殺之天乎。一娼縞素而來。楊故狎之者。楊曰汝來何謂
娼曰來事公死。楊曰無益於我。及累汝也。娼曰我已辦之。

矣亦大呼曰天乎忠良死矣觀者駭然揚旣死娼慟哭吮
頸血以針線紉接於項顧楊氏家人曰去塋之即自縊於
旁矣噫予觀娼意當時必料官司收而奏之必有大言以
聳動乎人主故視死如歸曰我已辦之矣嗚呼惜不見其
行又不知其名何娼之有若人哉真可謂奇也書之俟其
知事之悉者補傳

三脚猫

俗以事不盡善者謂之三脚猫嘉靖間南京神樂觀道士
袁素居果有一枚極善捕鼠而走不成步循簷上壁如飛
也道士因善篆刻士夫多與交吾友俞亭川嘗亦親見之
也

有無作我

吾杭舉人張洽未中進士時一日照鏡見鏡中之貌另一人也口云有你有我無你無我驚以語人莫知也明年辛丑赴部中途與一舉人同車想像切似鏡中所見問其姓名又同乃會稽張洽也遂言前事二人遂以此行中則同中下第必亦同矣揭曉果皆已榜杭者選南部主事而會稽者選北道矣不二年杭者死於任而會稽者死於家因思此與唐之宰相宋璟每每鏡中見有相字者切同此真可謂唯也

判子詩

京師宣武門外有寺曰歸義凡士大夫送行多于其間嘉靖間刑部副郎蘇志皋一日餞客先至僧房壁間有李鎮所畫判子一幅迺脫靴為壺令一鬼執而投之一鬼執酒壺於判後竊飲之蘇因暇戲題詩以嘲云芭蕉秋影送婆娑醉裡觥籌射鬼魔到底不知身後事酆都城外更如何蘇友高東谷時為光祿少卿夜夢綠衣使者揖曰蘇司寇朝戲太重求為解之次日高告於蘇蘇思而告其歸義之故兩人相笑別去高復夢綠衣曰我以公與蘇司寇交厚專為求解何置不言高明日顙往蘇處特拉同至歸義復題云蟠桃之竊酒頻傾總是區區兒女情莫道不知身後事目光如電照幽冥是夕綠衣復謝高卿吁是何怪之若

是耶

七修類藁五十一卷終